

gica ut Lud. Jac a S. Carolo a) testatur, iconi suæ, quam ipsa pinxit, hoc subscripsit Distichon, omni Epitaphio memorabilius:

*Cermitis hic picta nostros in imagine vultus;*

*Quam negat ars formam gratia vestra dabit.*

Talia Schurmannæ aliarumque apud Thomafium b) Junckerum c) & Dn. Kortboltum Prof. Kilon. recentissima de Puellis Poëtriis opella d) monumenta, perinde ac illa Horatii e) ære perenniora regalique situ Pyramidum altiora sunt; licet magnificentiora sint, quæ Elisabethæ Reginae Angliæ f) Christinae Reginae Sveciæ g) Aloysiæ, Adelaïdæ, Margarithæ Emmanuelis Philiperti uxori, aliisque Sago & Toga simul illustribus Heroinis h) posita leguntur.

§. XVII. Descendimus tandem ad duas peculiare cultus Heroïdum species, quarum alteram solæ Togatæ, alteram vero Sagatæ solæ sibi merito vindicant. Etenim in Togatarum Catalogis quædam inveniuntur, quæ brabeum Poeticum, aut Gradum Doctoralem sive in Philosophicis sive in Juridicis, sive etiam Theologicis impetrasse memorantur. Sic Virgo Gallica de Houliere, quæ cum matre inter præstantissimas recensetur Galliæ Poëtrias, brabeum Poeticum ab Academia Gallica die S. Ludovici A. 1687. deportavit i). De Beltizia Gozadina, Virgine genere & eruditione nobili, Hilarion de Costak) refert, ei Jctos in Academia Bononiensi non Doctoris tantum titulum & privilegia, sed & Professoriam Dignitatem contulisse. Neque Doctoris Theologiæ gradum feminis conferre abnuunt Pontificii. Extat enim apud eundem Hilarionem l) Exemplum Isabella Lofæ relatum etiam a

Jo.

a) ap. eundem Thom. 48. n). b) Diff. sæpius laudata c) Cent. Fem. passim. d) ante paucos menses Kilonii edita & Adriano Bailletto, celeberrimo Gallie Polyhistori & Scriptori libri opposita, cujus titulus: *Des Enfans devenus celebres, par leurs etuder ou par leurs ecrits*: e) Carm. L. III. Od. XXX. f) v. Theod. Jansonius ab Almeloveen Amænit. Theol. Philol. & Bohun e Soc. Regia libellô: *Le Caractere de la Reine Flizabet*, Haga Com. 94. in Act. Erud. Lips. 1694. p. 340 g) v. Junck. l. c. p. 91. h) v. Emman. Thesauri Inscript. p. 170. sq. i) v. Junck. p. 48. k) T. I. P. 3. declogiis Regum p. 522. l) l. c. p. 728.